

Լ. Լ. Կարապետյան, Ս. Ն. Շահինյան

ՀԱՄԱԳԻՏԱԿԱՆ ՀԱՅՏՆԱԳՈՐԾՈՒԹՅՈՒՆՆԵՐ ԴԻԼԵՋԱՆՈՒՄ

1960 թ. փետրվարին Հայկական ՍՍՌ ԳԱ Պատմության թանգարանում իրադեկ եղան այն մասին, որ Դիլիջանից 1 կմ դեպի հյուսիս-արևելք կառուցվող ջրամբարի տերիտորիայում հայտնաբերվել են հնագիտական իրեր: Այդ շինարարական կառույցի շուրջը տարածվում է մի հնագույն դամբանադաշտ՝ միայնակ քարարկղային թաղումներով:

Շինարարական աշխատանքների ժամանակ հայտնաբերվել են զանազան մետաղյա իրեր և խեցեղեն:

Այս հուշարձանի ուսումնասիրության նպատակով մենք պեղեցինք մի ոչ մեծ դամբարան (№ 1) շինարարության շրջապատից դուրս և մի մեծ դամբարան (№ 2) կառուցվող ջրավազանի շրջապատում:

ԴԱՄԲԱՐԱՆ № 1

Այս դամբարանը գտնվում է կառուցվող ջրավազանի տերիտորիայից դուրս:

Այն ծածկված է քարե սալով (1:1,5):

Դամբարանի չափերն են՝ երկուրորթյունը 1,8 մ, լայնությունը 1,10 մ և խորությունը 1,5 մ:

Պատը շարված էր մանր քարերով: Կմախքը պահպանված էր շատ վատ և նրա դիրքավորումը որոշել հնարավոր չէր:


Վալանդանները կենտրոնացված էին հյուսիս-արևելյան մասում: Նրանցից մեկի մեջ գտնվում էին ոչխարի ոսկորներ:

Դամբարանի հարավ-արևմտյան մասում հայտնաբերվեցին հետևյալ իրերը՝ բրոնզե դաշույն ցանցկեն գլխով և զրահի շորս բրոնզե ճարմանդներ, որոնց շուրջը դասավորված էին մանր բրոնզե կոճակներ:

Ստորև տալիս ենք № 1 դամբարանի նյութերի նկարագրությունը.

Զրահի շորս բրոնզե ճարմանդներ 6 սմ տրամագծով. սրանց եզրերը ծավալված են դեպի ներս, իսկ ւսկից ունեն կամրջակներ՝ ամրացնելու համար: Ծարմանդների շուրջը դասավորված էին 92 մանր բրոնզե կոճակներ՝ տակի մասում դարձյալ կամրջակներով: Ինչպես ճարմանդները, այնպես էլ վերոհիշյալ կոճակները ամրացված են եղել կտորի վրա, որի մնացորդները պահպանվել են:

Բրոնզե միաձույլ դաշույն, լայն տափակ եռանկյունաձև շեղբով (ծայրը կտրված է): Դաստակը խողովակաձև է և ավարտվում է ցանցկեն գլխիկով (շեղբի երկ. 19,0 սմ, լայն. 5 սմ, դաստակի երկ. 10,5 սմ): Շեղբի վրա կան երկու ակոսներ, որոնք միանում են միմյանց հետ ներքևի մասում, իսկ դաստակի հիմքի մոտ անջատվում են: Այդ մասում յուրաքանչյուր ակոսի վրա արված են կիսաշրջանաձև ակոսներ:




Уд. 1.



Уд. 2.

Փայտե դաստակը ծածկված է բրոնզե թիթեղով: Դաստակի գլխիկը ծածկված է եռանկյունաձև, սուր անկյուններով իրար հանդիպակաց զարդերով: Այդ եռանկյունիները ընդելուզված են փայտով: Գլխիկի վրա կան նաև բրոնզե 4 փոքրիկ գամեր:

Խեցեղենը ներկայացված է մի քանի անոթներով, որոնց մեջ գերակշռում են քրեղանները: Բոլոր կավանոթները ծածկված են սև փայլով:



Նկ. 3. Առաջին դամբարանի հատակադիժը և վերին սալի չափադրությունը

Կճուճ կարճ, անկանխ, ուռուցիկ իրանով, նեղացող հատակով: Վիզը սեղմված է, շուրթը քիչ դեպի դուրս ծալված: Վզից ցած կան մի քանի հորիզոնական խորագիր գծեր: Պատրաստված է դրզի վրա (բարձր. 23,7 սմ, վզի լայն. 18,2 սմ, իրանի տրամ. 32,0 սմ, նկ. 2): Քրեղանները մեծ մասամբ միատեսակ են: Նրանցից մեկը ուռուցիկ իրանով է, նեղացող հատակով: Նրանից ցած տնցնում է մի խորագիր հորիզոնական գրած (վզի լայն. 24,0 սմ, բարձ. 13,0 սմ):

Մյուս քրեղանը կրկնում է առաջինի ձևերը, միայն շրթի տակ ունի մի քանի հորիզոնական խորագիր գծեր (վզի լայն. 23,5 սմ, բարձր. 12,7 սմ):

Երրորդ քրեղանը աչքի է ընկնում ինտենսիվ արված փայլով: Իրանը կլոր է, շրթի տակ ունի մի ուղղահայաց ելուստ: Անոթի վերին մասը ծածկված է մինչ թրծումը արված բնորոշ եռանկյունաձև գծազարդերով (շերտ) և թեք գրծիկներով:

ԴԱՄՔԱՐԱՆ № 2

Այս դամբարանը իրենից ներկայացնում է մի ուղղանկյուն քարակղզի հյուսիս-հարավ ուղղությամբ: Տեղադրված է ջրամբարի տերիտորիայի վրա: Դամբարանի պատերից մեկը (4 ս երկարությամբ), բացվել էր դեռևս շինարարական աշխատանքների ժամանակ: Այդ իսկ պատճառով դամբարանի պեղումը մեր կողմից կատարվեց կողքի պատից: Այդ պատը բաղկացած է 3 տվեք բազալտե քարերից: Դամբարանից հայտնաբերված նյութը հիմնականում կրկնում է № 1 դամբարանի կուլտուրան: Կավամանները սև փայլով են, պատրաստված դրզի վրա:

Կճուճ մի կանթանի ուռուցիկ իրանով, ուղիղ, նեղ ցածր վզով, դուրս ծավալած շրթով: Կանթը կամարաձև է, կլոր կտրվածքով: Իրանի վերին մասը ծածկված է խորադիր հորիզոնական ցայտուն գծերով: Հատակը հարթ է և փոքր (բարձր. 19,5 սմ, իրանի տրամ. 25,0 սմ, բերանի տրամ. 12,0 սմ):

Կճուճ առանց կանթի խիստ ուռուցիկ իրանով, նեղ վզով և դուրս ծավալած շրթով: Անոթի վերին մասը ծածկված է խորադիր ուղղահայաց գծերով (բարձր. 19,5 սմ, իրանի տրամ. 25,0 սմ, բերանի տրամ. 12,0 սմ):

Մնացած կավամանները 6 քրեղանկեր են, հար և նման № 1 դամբարանում գտնված քրեղանկերին և նրանցից տարբերվում են միայն զարդանախշերով: Այդ քրեղանկերից հինգը սև են և փայլուն (մեկը գորշագույն է), ուռուցիկ իրանով և քիչ դուրս ծավալած շրթով: Վերին մասում կան ցանցավոր և զիգզագաձև զարդանախշեր: Չափսերը՝ բերանի տրամ. 10-ից մինչև 24 սս, բարձր. 12,0 մինչև 16 սմ:

Այս դամբարանի կավանոթների մեջ կար նաև մի լայնաբերան աման, ծածկված սև փայլով, քիչ նեղացող ցածր ուղիղ վզով, դուրս ծավալած շրթով և իրանի վրա խորադիր եղևնաձև զարդանախշով (բարձր. 13,5 սմ, իրանի տրամ. 17,0 սմ, բերանի տրամ. 14,5 սմ):

Դամբարանից գտնվեց նաև մի սև փայլով կավանոթ, ուռուցիկ իրանով և դուրս ծավալած շրթով (բերանի լայն. 12,5 սմ, բարձր. 11,5 սս, իրանի տրամ. 17,0 սմ):

Այս անոթի վզից ցած անցնում է մի ստորակետաձև և սուրանկյուն զարդանախշ (բարձր. 11,5 սս, իրանի տրամ. 17,0 սմ, բերանի տրամ. 12,5 սմ):


Կավանոթների այս խումբը լրացնում է նույն դամբարանում գտնված մի կանթանի գավաթը: Գավաթի բերանը քիչ նեղացված է, շուրթը դուրս ծավալած: Իրանի վրա կան երկու հորիզոնական ուռուցիկ գծեր:

ԽԱՌԸ ԿՈՄՊԼԵՔՍ

Ջրավազանի կառուցման ժամանակ, բացի դամբարաններից հայտնաբերվեցին նաև մետաղյա իրերի և կերամիկայի մի մեծ խումբ, որոնք տվյալ էպոխայի վերաբերյալ որոշ հետաքրքրություն են ներկայացնում:

Բրոնզե դաշույն, երկսայր (նկ. 4) տափակ ումբաձև շեղբով, ուժեղ արտահայտված միջին ակոսով (շեղբի երկ. 19,5 սս, դաստակի երկ. 8,5 սմ, լայն. 9,5 սմ): Դաստակի տակ ունի կետագծերից կաղմված կիսաշրջաններ:

Դաստակի փայտը ծածկված է բրոնզե թիթեղով: Դաշույնի դաստակը ունի բրոնզե գլուխ, որի վրա կան եռանկյունաձև փոսիկներ՝ փայտե ընդելուզվածքի համար:



Уд. 4.



Уд. 5.

Նիզակի ծայր, երկաթից (նկ. 6) կարճ, տափակ, տերեաձև շեղբով, թույլ արտահայտված միջին ակոսով և կարճ սնամեջ ագուցվող մասով (երկ. 18,0 սմ, ագուցվող մասի երկ. 7,0 սմ, շեղբի երկ. 11,0 սմ)։ Գտնվել է ջրավազանի մեջ։

Զրասանձ երկաթից, գտնվել է ջրավազանի հակառակ կողմում, խճուղու կառուցման ժամանակ¹։ Զրասանձը ունի ուղիղ երախտկալներ և միմյանց մեջ ագուցվող լկամներ։ Բանվորների վկայությամբ, հողային աշխատանքների ժամանակ այս ձիասանձի հետ նրանք հայտնաբերել էին ձիու և մարդկային կմախքներ և սև փայլով մի կավանթ՝ վերադիր կենդանական պատկերներով (նկ. 6)։ Այդ անոթի կանթը անորոշ ձևի է, իսկ նրա տակ պատկերված է վերադիր։ զալարվող մի օձ։ Իրանի վրա կան նաև հինգ հորիզոնական վերադիր գծեր (բարձր. 33,0 սմ, իրանի տրամ. 24,0 սմ, բերանի տրամ. 7,0 սմ)։

Այսպիսով դա մի շատ հետաքրքիր թաղում է ևղել ձիու հետ միասին, որ բնորոշ է ինչպես քննարկվող ժամանակաշրջանի, այնպես էլ նրանից ավելի վաղ շրջանի համար։

Վարսակալներ (2 հատ) շրջանաձև, մեջտեղը ալիքաձև ելուստով (նկ. 4)։

Մանյակ բրոնզե, ոլորուն, մասսիվ, ծալված ծայրերով (տրամ. 16,6 սմ)։

Նման տիպի առարկաները բնորոշ են տվյալ ժամանակաշրջանի համար և Անդրկովկասում շատ են հանդիպում։

Վարսակալներ (մեկ զույգ) վերահիշյալի նմանողությամբ, քիչ ավելի փոքր (տրամ. 10,5 սմ և 10,0 սմ) հարթ լարից, ծալված ծայրերով (նկ. 6)։

Ապարանջան, ոչ մեծ, մասսիվ, կլոր ձողից, ծայրերը ռճավորված են և մեկը մյուսի վրա են գալիս (նկ. 4)։ Ապարանջանի վրա կան թեք գծիկներ (տրամ. 6,5 սմ, ձողի հաստ. 8 մմ)։

Ապարանջաններ (մեկ զույգ) տափակ ձողից միմյանց վրա եկող ծայրերով (նկ. 4) (տրամ. 5,5 սմ, հաստ. 1 սմ, երկրորդ ապարանջանի տրամ. 5,0 սմ, հաստ. 1 սմ)։

Օղակ բրոնզե լարից 2 սմ տրամագծով կազմված 7 ոլորներից։

Ջարդարանքների մեջ կան նաև հինգ տակառաձև սերողլիկե ուլունքներ, որոնց անցքերը բացված են միայն մի կողմից։ Սերողլիկե, սպիտակ երկնագույն պաստալից մանր ուլունքներ, սնամեջ բրոնզե խողովակներ։ Խեցեղենը ներկայացված է հինգ անոթից։

Կճուճ սև փայլով, ուռուցիկ իրանով, նեղ կարճ վզով և դուրս ծալված շրթով։ Շուրթը ծալվող մասում ունի ելուստ և վերին մասում ճեղքվածք (բարձր. 23,0 սմ, վզի լայն. 8,5 սմ, իրանի տրամ. 21,6 սմ)։ Վզի վրա կան փայլով արված լայն ժապավեններ, իսկ վզի տակ շուրս հորիզոնական ակոսներ, որոնցից ցած անցնում է մի լայն զիզազաձև զարդանախշ։ Իսկ դրանից ցած՝ իրանի կենտրոնով անցնում է մի գոտի, կազմված երկու ակոսներից, որոնց տրանքում փայլով արված են զիզազանքներ։

Կճուճ մեծ, սև, փայլեցրած, ուռուցիկ բիկոնիկ իրանով, նեղ վզով և դուրս ծալված շրթով։ Անոթի վերին մասում արված են հերթականությամբ կրկնվող եռանկյունիներ, որոնք լցված են խորադիր կետերով և կարճ զիզազանքներով (նկ. 5)։

1 Գտնվում է Գիլիջանի դավառագիտական թանգարանում։

ԿՃՈՃ միջին մեծության, սև, անհավասար փայլեցրած, տեղ-տեղ մոխրագույն: Իրանը խիստ ուռուցիկ է, վիզը նեղ, շուրթը քիչ դուրս ծավալած:

Քրեղանները երեքն են: Ոչ մեծ, կարմրավուն, փայլեցրած, երկուսի շրթերը քիչ ծավալած են, իսկ երրորդը կտրված շրթով է: Իրանի վրա կա եզունգային նախշ և խորագիր հորիզոնական գծեր (նկ. 5):

Այս խմբի մեջ մտնում է և մի մոխրագույն կՃՈՃ, որի ուռուցիկ իրանի վրա կան վերագիր զիգզագներ:

* * *

Մեր ձեռքի տակ եղած նյութի համառոտ քննությունն իսկ պարզ ցույց է տալիս, որ այն կարելի է վերագրել մ. թ. ա. 8—7-րդ դարերին:

Այժմ մ. թ. ա. 2-րդ հազարամյակի վերջերի և 1-ին հազարամյակի սկզբի կուլտուրան ներկայացված է Հայաստանի տարբեր մասերից և Անդր-կովկասից հայտնաբերված հարուստ հնագիտական նյութերով:

Քննենք մեր նյութը ըստ կոմպլեքսների:

Վերը նկարագրված № 1 դամբարանի նյութերը շատ նման են Հայաստանի մյուս շրջաններից հայտնաբերված առարկաներին: Այսպես, օրինակ, Գոլովինոյի դամբարաններից ևս գտնվել են իրեր, որոնք վերագրվում են մ. թ. ա. 2-րդ հազարամյակի վերջին և 1-ին հազարամյակի սկզբին²:

Անդրկովկասի տերիտորիայում հայտնի են նաև նույնանման դաշույններ (մ. թ. ա. 1-ին հազարամյակի սկիզբը), երբեմն այդ դաշույններից հանդիպում են Հյուսիսային Կովկասի դամբարաններում: Մի այդպիսի դաշույն էլ գտնվել է Արթիկի դամբարանադաշտից:

Այդ դաշույններն իրենց գոյությունը շարունակել են նաև երկաթի լայն դարգացման շրջանում (մ. թ. ա. 7—6-րդ դարերում):

Կավանոթները նմանվում են Գոլովինոյի³, Խրտանացի և Հալվարի, ինչպես նաև մ. թ. ա. 8—7-րդ դարերին պատկանող ուրարտական բնակատեղիներից հայտնաբերված խեցեղեններին:

Քրեղանների տիպերը շատ լայն տարածում ունեն ամբողջ Հայաստանում. նրանք բնորոշ են և Խրտանացի⁴, և Հալվարի⁵ ու Սևանի ավազանի⁶, ինչպես նաև մյուս վայրերի համար:

№ 2 դամբարանում հայտնաբերված խեցեղենը իր օրինակներն ունի Կարմիր բլուրի միջնաբերդից հայտնաբերված ամանների մեջ, Սևանի ավազանի դամբարաններում⁷ և վերապրուկային ձևով ավելի ուշ ժամանակաշրջանի:

2 Չ. Չ. Մնացականյան, Դամբարանների պեղումները Գոլովինո գյուղում, Պետ. Պատմ. թանգ. աշխատ., հ. 6, 1959:

3 Ք. Խաչատրյանի պեղումները, նյութը հրատարակված չէ:

4 А. А. Мартиросян, «Раскопки в Головино», стр. 27.

5 Նույն տեղում:

6 Նույն տեղում:

7 Ե. Լալայան, Դամբարանների պեղումները Խորհրդային Հայաստանում, 1931, էջ 145:

8 Նույն տեղում, նկ. 28:

ջանի դամբարաններում, ինչպես, օրինակ Իջևանում (մ. թ. ա. 5—4-րդ դարերում)⁹:

Նույնանման քրեղանների հանդիպում ենք նաև ինչպես Կիրովականում, այնպես էլ Մարտունու շրջանի Ն. Գյոզալդարա (Վարդաշեն) գյուղում:

Խառը կոմպլեքսի նյութերը հետաքրքիր են իրենց տարբերակներով: Այսպես, տափակ-ոսմբաձև շեղբով բրոնզե դաշույնը հայտնի է Դուրվինոյի № 1 դամբարանից¹¹, ինչպես նաև Իվանովսկու պեղումներից Դետաբեկում, Լալայանի պեղումներից Սևանի ավազանում և վերաբերվում է մ. թ. ա. 9-րդ դարին:

Մեր կողմից գտնված երկաթե նիզակի ծայրը հանդիպում է Հայաստանի դամբարաններում ավելի խոշոր նիզակների հետ: Սրանց զարգացումը գնում է բրոնզե իրերի նմանողությամբ, որը ապացուցվում է նրանց ավելի բնորոշ արտաքին ձևերով:



Նկ. 6:

Այդպիսիք հանդիպում են մ. թ. ա. 7—6-րդ դարերում և ավելի ուշ շրջանի կոմպլեքսներում: Մենակի և Ղաչաղանի դամբարաններում այդ նիզակների հանդիպում են ավելի ուշ շրջանի սկյութական նետասլաքների հետ (5-րդ դար մ. թ. ա.)¹², ինչպես նաև Զանգեզուրում, Լավարում և այլուր:

Մ. թ. ա. 7—6-րդ դարերում Անդրկովկասյան դամբարանները և Կարմիր բլուրի ամրոցի պեղումները տվել են առատ նյութ՝ մեր ձիասանձերի նմանողությամբ:

⁹ С. Е с а я н, «Археологические находки в Иджеване», «Известия» АН АрмССР, № 4, 1961.

¹⁰ А. А. И в а н о в с к и й, «По Закавказью», табл. 12, рис. 11 (Материалы по археологии Кавказа, вып. VI, М 1911).

¹¹ Հ. Հ. Մ և ա ջ ա կ ա ն յ ա ն, Նշված աշխատ., էջ 11:

¹² Հ. Ա. Մ ա ր տ ի ր ո ս յ ա ն, Նշված աշխատ., էջ 68:

Մանյակները բնորոշ են տվյալ շրջանի համար և հանդիպում են Անդրերկրկյան շատ շրջաններում՝ Խրտանացում¹³, Ն. Բայազետում¹⁴, Սևանի ափագանում¹⁵, Սաղարեջում (Վրաստան) և այլուր։ Փոքրիկ մանյակները բացի վերոհիշյալ շրջաններից հանդիպում են նաև Բասարդեջում¹⁶։ Ուրարտական Կարմիր բլուր ամբոցից և Ծովինարից ունենք օձագլուխ կոպիտ պատրաստված բրոնզե ապարանջաններ, որոնք հիշեցնում են մեր ապարանջանները։

Շատ լավ է կապվում այդ ապարանջանների ոճին նաև Աթարբեկյանում գտնված արծաթյա ապարանջանը¹⁷։

Մեծ հետաքրքրություն է ներկայացնում անշուշտ նաև կենդանազարդ կավամանր, որը հայտնի է Ն. Բայազետի շրջանի պեղումներից (Թանգարանային համար 22/33), ինչպես և Սանահինից գտնված ամանր, որոնք թվագրվում են մ. թ. ա. 2-րդ հազարամյակի վերջով և 1-ին հազարամյակի սկզբով։

* * *

Այսպիսով ի մի բերելով մեր նյութի ուսումնասիրության արդյունքները, կարող ենք ասել, որ այն հնարավորություն է տալիս հաստատելու կուլտուրական սերտ կապերի առկայությունը մի կողմից ուղ ուրարտական և վաղ սկյութական կուլտուրայի, իսկ մյուս կողմից նրա միատիպությունը Հայաստանի և Անդրերկրկյան մ. թ. ա. 7—6-րդ դարերին պատկանող դամբարաններից գտնվող նյութերի հետ։

Տեղական կուլտուրայի կապերը ուրարտական ադմինիստրատիվ կենտրոն Թեյշեբաինի քաղաքի հետ, որոնք դրավոր աղբյուրների հիման վրա հաստատվում են մ. թ. ա. 7—6-րդ դարերին. ցայտուն կերպով հաստատում են նաև ինչպես երկաթե իրերի (ձիասանձերի), խեցեղենի, այնպես էլ զարդարանքների (ուունքներ) միջոցով։ Որոշ պատահաբար գտնված իրեր պատկանում են ավելի վաղ շրջանին (մ. թ. ա. 9—8-րդ դարերին)։ Այդ հանգամանքը հիմք է տալիս կարծելու, որ մեր դամբանադաշտը տարբեր ժամանակաշրջանների է, և պատկանում է տեղաբնակ ցեղերին։

13 Զ. Ա. Մարտիրոսյան, *Նշված աշխատ.*, էջ 41։

14 Ե. Հալայան, *Նշված աշխատ.*, էջ 176։

15 А. А. Ивановский, указ. соч.

16 А. О. Мнацаканян, Археологические находки в сел. Басаргечар, АрмССР. КСИИМК, в. 60, 1955.

17 А. О. Мнацаканян, Раскопки могильников у сел. Атарбекеян в Армянской ССР. КСИИМК, в. 60, 1955, стр. 37.